



-Pamebhamε

"Nimlɔɔ : 004

Duö

-kwε 2005

"su -bha 'sëedhe -mü

"Gwεetaawo

WɔN -TAɔNG -MA 'GÜ 'SËEDHE

Dhiang -wo -

'Sëedhe ya -yë -kë -mëwɔn 'gü ?

-Më 'ö -kë 'yö bhii ü -de -wo pö ? Sëedhe 'ö ya -yö -kë ü -de -wo 'gü -mëwɔn 'gü, 'yö 'yii kë "Kwi -wo, "Dhima -wo, 'Glεε -wo -nu 'gü ?

-Ya 'ö -wo kwa -wo 'gü bha, -yö -kë "dhü kö -ya -zɔn kwa -dhe -blεsü 'gü =dhe kwa -dega -wo 'ö -kë =Danwo 'ka bha -yö =bhlëë -sü 'pö. -Wo -nu 'ö -Zlan -ya -nu -da bha, -a "wεε 'bha 'yaa =bhlëë -sü kö -yö ziö- 'ka- 'bha -ta. 'Pë 'ö -a -dhe 'dhö- -bha kö 'kwa- kë, yö -mü =dhe kö 'mε 'ö "dhü -yö =bhlëë -ya ö -de -wo -bha kö -yö kë -tiaandhe -wo "wεε pö -mε -nu "yan 'gü "kpungtaa. Yö =në- -wɔn 'gü, =ya kë =dhe 'bhaa dɔ ü -de -wo -wo pö -dhe 'ka, kö -a -dhe -ya -bha kö 'ö sü =dεε -bha, 'ü -ya -a draan- -sü -bha.

-A =ple -naa -mü =dhe -yö -ya kwa -de -wo 'gü "dhü kö 'wɔn -nu 'ö 'wo -kë kwaa- =Danwo pö "pεen -ta, 'wɔn -nu 'ö 'wo -kë kwaa- 'Kɔdivua -sε 'gü, 'wɔn -nu 'ö 'wo -kö "kpungtaa kö 'kwa 'dho kë- -a -nu =gban -wɔn 'gü tii, "kεε kö 'kwa -a 'bha -nu ma.

=Ya 'go mü, -a -dhe -ya -bha kö bhi 'ö 'ü 'sëedhe ya -a -wo pö sië bha, 'ü kë =dhe mε 'bha 'ö 'wo Samadhi mi -kë -a 'dhö. 'Mε bha 'yö -kpan mε do -bha ziaan -ta kö 'wɔn yaa kë -mε -nu -waa -gi, 'yö dho- 'ka 'yö 'wo- "dhe -kë, 'yö -kë

"klüüklü. =Ya kë =dhe Samadhi mi 'kö bha 'yii kë nu 'nu 'mε bha- -dhe, -mëwɔn 'ö gun yöö- "dhiü =sɔɔ ? 'Mε 'ö 'wo- -gi bha -yö -mɔɔ -bha 'nu 'ö ga. 'Kwa- pö "dhü kö kwa- -pö =dhe kö 'bhii kë dɔ ü -de -wo -go "gbu- kö =bhlëë -yö kë- -bha, "tüng 'bha -yö -dho -wo 'ö -kë =dhεng -pë 'ka, 'ö go "sε -bha. =Ya 'go mü, bhi 'ö 'ü dɔ ü -de -wo -ya -dhe 'ka bha, ü këyɔɔ -ta 'kun. Nu -a -dhe. Kë =dhe Samadhi mi bha- 'dhö.

=Ya kë =dhe 'wɔn 'bha 'dhö ü -go kö 'ü- pö yi -dhe 'ö -gban kwaa- =Danwo "sε 'gü -wɔn -bha, yii- 'drεsü =nε: 08 bp 857 Abidjan 08. Bureau Dan.



Kwaa- =danwo pö "sε 'gü -wɔn

'Dannëng "sε 'gü -wɔn

-Gblü 'ö bo -da -sü 'ka kwaa- "sε ya- 'gü, -kɔlookota -nu 'ö 'wo -ya -sü 'ka 'Dannëng "sε 'gü, -wo 'gbε. -A do 'bha 'ö- -nu 'gü, -a -bha yë -mü 'ko -zë din- 'ka -sü 'ka. -Ya kë "dhü 'yö =ya -mlü ga -nu, 'ke- -kë 'ka -kwεε -nu 'ö 'wo -kë "këë -nu, "bang -nu, klaa" -nu, =dua -nu ka, -a -nu 'gü -gblü mε -nu -ta 'ke- kë "tüng -nu

'gü, kë "dhü kö 'mε -nu 'ö 'wo "pεen 'dhe bha- 'ka bha, 'wa 'dho -gblü yaa 'gü yaa -dhe yö-.

=Ya 'go yö -zë -a 'gü, -kɔlookota do 'bha -yö -dhö, 'ö -kë mε "pεpε 'ö 'kwa -kë 'Dan- -nu 'ka, kwa =zinng 'gü. -A -bha yë -mü kwa -dega -wo 'ö bha, -a -wo pö -sü waa- -ya -sü -nu -zɔn -sü 'ka, mε -nu -dhe.

=Ya kë "dhü kö kwa- -pö =dhe -kö 'ö dho kë- -bha kö kwa -wo 'ö bha =bhlëë -yö kë- -bha "kpungtaa, 'yö- -bha yë 'ka. -A -kë "dhü -sü bha 'gü, -kɔlookota 'ö bha -yö kë 'sëedhe 'ö -kë -Zlan 'gü 'sëedhe 'ka, 'ö 'wo- -dhe "kwi -wo 'gü 'Biblö bha, -yö kë -a 'gbε 'gü -gblü Gbiaangwinng "sε, "Maa "sε

waa- 'Dannëng "sε 'gü, -mε -nu 'ö 'wo dɔ wo -de -wo pö -dhe 'ka, -a -nu -ta -kwε 'ö -ziö ya- 'ka "wεwε. -Kɔlookota 'ö "dhü bha, -wa -dhe "kwi -wo 'gü ONG Projet Dan. -A =bidhong 'kpü- -yö -ya -sü 'ka 'Biya, "kwanngdhe 'ö 'wo- -dhe Dhiviera 'Gɔlfë -a 'gü.

L'orthographe DAN

Voici ce que nous pouvons utiliser pour savoir lire et écrire en langue dan.

Les consonnes et les voyelles que vous ne voyez pas ici sont les mêmes qu' en français.

Attention:

1. c, h, j, qu et x n'existent pas en dan.

2. r ne se trouve jamais au début d'un mot.

Voici le reste de l' alphabet :

Lettres	Exemple	Traduction
Aa	"kaa	<i>gale</i>
An	"gan	<i>tirer</i>
Aan	saan	<i>cadeau</i>
aɔ	kaɔ	<i>perdrix</i>
aɔn	'daɔn-	<i>araignée</i>
bh	-bho	<i>cabris</i>
dh	dhe	<i>mère</i>
ee	=wee	<i>sel</i>
ε	"pε	<i>déchirer</i>
εε	=wεε	<i>moquerie</i>
en	-gεn	<i>pied</i>
εen	=gblεen	<i>long</i>
ë	pë	<i>chose</i>

ëë	"këë	<i>daba</i>
ën	'kën	<i>rassasier</i>
ëën	=klëën	<i>entourer</i>
εa	"kpea	<i>sec</i>
εan	gean"	<i>scorpion</i>
gw	-gwë	<i>caillou</i>
in	"bin	<i>fleur</i>
iin	"iin	<i>ou</i>
ɪ	"wɪ	<i>parler</i>
u	"gbu-	<i>fort</i>
kw	=kwaa	<i>main gauche</i>
ng ¹	gbeng	<i>nuit</i>
oo	-zoo	<i>chenille</i>
ɔ	'pɔ	<i>credit</i>
ɔn	"yɔn	<i>huile</i>
ɔɔn	=yɔɔn	<i>sang</i>
ö	pö	<i>dire</i>
öö	töö	<i>panier</i>
u	"su	<i>lune</i>
un	bun	<i>tombeau</i>
uun	=yuun	<i>asticot</i>

ü	'gü	<i>intérieur</i>
üü	"güü	<i>amère</i>
ün	=blün	<i>miette</i>
üün	glüün	<i>rouler</i>
ü	"gü	<i>brûler</i>
üü	"bhüü	<i>tarir</i>
u	"tu	<i>oreille</i>
uu	"tuu	<i>sauce</i>

-Wo 'dho -ko (Les tons)

très haut	"dhü	<i>arbre</i>
haut	'ko	<i>maison</i>
moyen	dë	<i>père</i>
bas	=zε	<i>termite</i>
très bas	-dho	<i>amour</i>
très haut + très bas	"klang-	<i>singe</i>
haut + très bas	'yënn-	<i>soleil</i>
moyen + très bas saa-	savon	
bas + très bas	=göö-	<i>iroko</i>
moyen + très hautgean"	scorpion	
moyen + haut	kpuu'	<i>souche</i>



Kwaa- "Kodivuaa -se 'gü -wón

Dha -bha me zë 'ö- wo sië 'Biya

Dhayi -yö -së, "këë -a -ziö -naa yaa 'gü -sü yaa 'yaa -së. Ban 'ö dha 'dhö- wo sië "tüng ya- 'gü 'Biya, -a "dhiü - ya ziö. "Kwi -bha "su 'ö -ziö ya, "kwanngdhe 'ö 'wo- Wiliamö 'Vilö -dhe -kë Biya

bha, dha ban -kò 'bha 'ö- -kë, 'kò do 'bha bha -yö kë -loo 'kò do 'gü -më -nu -yiisö -ta 'ö- -nu zë. =Ya go mü, =klang- "kwanngdhe do 'bha -yö "kwi -pö 'ö 'wo Basamö -kë

'Biya -dhe "sò bha, dhayí -yö kë =klang- "kwanngdhe 'bha 'ö 'wo- -dhe Able Frederikö -a -bho -dhekpacyi 'gbë "piü môngdhö, 'ö 'yi kë -më 'ö 'wo mɔɔ- -bha 'wo woo- "yi

-kë -a =bhaa. -A -wón 'gü "su 'gbë -yö kë -ziö kö 'në -nu 'waa 'dho sië =klang- "dhiü -dhe bha- 'gü.



Wón 'ö -gban dhe -bón kë -sü -

bha

-Klookota 'kpíi- do 'bha 'ö "kpungtaadhe -to "dhü -sü -gɔ -wón 'gbë 'ö -gban mebhudhe -wón 'kun -sü - bha -a "yan bho, -yö -dhö; -wa -dhe "kwi -wo 'gü (Amnesty International). -A -bha yë -mü mebhudhe -takɔɔsü 'ka. 'Më -nu 'ö 'wón 'ö 'yaa -së, 'wo- wɔ sië -nu -ta -a -nu suu 'go -dhe, -a -nu -Zlan -dhökë -kɔ, -a -nu -zo -gɔn 'gü -wón -nu 'kosɔn, 'yö nu -a -më -nu -dhe, 'yö- -më -nu -ta -

dhiang zë. -Klookota bha -yö -ya -kwë "gblü do waa- -kwë këng "suesiö waa- -kwë -kaɔng "saɔdo ö ga do (1961) -naa =në- 'ka. - Klookota bha 'ö 'tɔng- do 'ö- -ya, -a -kwë "saɔplë -naa =në. 'Tɔng- bha -a "nimlɔɔ - mü -kaɔng "suisiö ö ga "saaga, këng "saɔplë ö -kɔ "saɔdhu waa- -a ga "saɔplë (n° 98,757) 'ka. 'Yö 'wo- pö 'yaa -së kö "gbudhe -yö -wɔ dhebë -ta kö -wa -bón zë. -A -wón 'gü -wa -pö 'më "bu

'më 'ö 'wo- yö kö -yö "floti - wɔ sië 'në dhebë 'bha -ta, kö -ya -më kë "bón 'ka, -wa -më -ta -zɔn 'zuzu =plöö, kö -wa -më -da -kaso 'gü. -Yö -së kö gɔɔn- -zë -wa kë 'gbaannë 'ka. "Këë dhebë -zë më 'bha 'vee- kö -ya kë 'gbaannë 'ka. 'Më 'ö 'yaa ü "piü =dhe -wo ü -da -kaso 'gü, 'kii 'go mü, 'kii pë bho "kwi -dhe, kö -dhe -ya - bha kö 'ü ü -de 'to =blëë 'gü. 'Kö 'zü 'ö -kë ü -dega 'dhu 'ka, 'bha 'dho- -bón zë.

-A 'bha -mü =dhe -Flangsü -më -nu -wo 'tɔng- do -ya -sü 'ka "tüng ya- 'gü, 'ö 'wo pö më 'bha 'ya 'dho ö 'dhu dɔ gwaan- kö -a -kwë 'yii =mɔɔ =kö -kaɔng do ö ga "saaga -bha (18). - Wa -kë "dhü kö 'në -dɔ gwaan- -sü 'ö "floti 'ka bha, -a fiëë -yö kë. Kö 'më 'ö 'në dhebë -nu 'wo ka -gɔ kö 'ka- 'gü ma -së 'ka bha, 'aa -yö kë ?



Kpungtaadhe -wón

-Gblü gɔɔn -sü =ya 'sɔ =dëë "kpungtaa

'Kwa -dhe -ga 'kwaa- më Tii "së -nu 'gü, -gblü =ya gɔɔn "së 'gbë -dhe 'gü. "Së 'ö 'wo- -dhe 'Tiadö, -kwë -kaɔng -yaaga ö ga "saɔdhu =në 'ö 'wo- -kë -gblü gɔɔn -sü -bha. Mozanbikö -bha -yö -kwë -kaɔng do 'ö ga -yaaga, Siedha leɔnö -bha -yö -kwë -kaɔng do ö ga do, Libedhia 'ö 'kwa- -dhe "Yi =Zlöö, -a -bha -yö -gun -kwë do ö ga -yiisö. Anggola -bha -yö kë -ziö -kaɔng =plë (20) -ta. Ruangda -bha -yö kë -ziö -kaɔng ö ga -ta. "Sego "wëë 'bha -nu -wo mü 'zü. -Më 'ö -kë 'ö -kë "dhü ?

-Gblü gɔɔn -sü kë 'ö- wo =dëë 'gbë bha, -a -gen -yö 'gbë, "këë -a do 'ö 'kwa dho kwa "dhi yö- -bha -dede ya- 'gü, yö -mü =dhe "sego "dhiü -më -nu

'dhö, -yö -klookota -nu -dhe "dhiü - më -nu 'dhö, -a -nu 'gbë -wo mü 'ö =wa bo -ya -sü -zë -a 'ka "së "dhiü, ziaan 'ö woo bɔ- 'ka kö -wo 'më -nu 'ö 'wo dɔ -a -nu 'ka klüü" dhö, -a -nu -ya wo -kɔ =wlöö -nu 'ka, 'yö 'wo -a -zian =mɔɔ. -Duëë 'dhe 'ö -duëë -tiantandhe 'ka, 'yö 'wo nu woo- më -nu -dhe =dhe "së do 'bha mü -a -bha 'dhö. "Sego "dhiü -më, plezidan bha, =dhe 'ö- dë 'dhö ga, 'yö -ya -a "gbluu 'gü, 'yö yöö =de 'pö 'ö -duëë 'kpíi- 'ö -kë "dhasü "pepe -naa ministrë - duëë 'ka bha, 'yö- nu ö -dega 'zlaa- -dhe. -A 'bha -nu =ya kë, "sego "dhiü - më -nu =wa "së -to "dhü -sü -bha 'wëë- 'sü, 'yö =wa woo "pëen -ta -dhe baa-. "Pëen 'dhe 'ö 'yaa- -nu -bha

"pëen 'ka bha, -a -nu -mawón 'yaa kë yö -zë -a -bha...

"Sego "dhiü -më -nu, -yö -klookota - nu -dhe "dhiü -më -nu... 'ö- -nu 'tɔ - së yöö pö, "iin 'ö pö 'yaa- -nu -bha =dhe -Zlan -gɔ "dhiü 'kpíi- 'ö 'wo gun - a -dhe sië 'Zan- Papö 2, 'ö- -wón -yö =see kwëë, "su 'ö 'wo- -dhe 'Dannëng -wo 'gü =zɔɔ bho =glööbɔ, 'ö "Kwi 'dhö- -dhe Avril, -a -dhekpacyi =plë (2) 'ka -tɔ -dho 'kɔɔdhö "tüng 'ka, "së 'ö 'wo- Wlɔmö -kë -a 'gü bha, -a =sɔɔ -dhe -ya kë ya- =dëë. 'Zan- Papö 2 bha 'yaa gun =dheglizë 'ö 'wo- Katodhikö - kë 'ö -a -gɔ "së 'gü, yöö do -gɔ "dhiü; -yö -gun -a "pepe 'ö 'wo "kpungtaa 'ö 'wo -kë Katodhikö bha- 'ka, -a -nu =gban -gɔ "dhiü. -Kwë -kaɔng

=plɛ ɔ ga "saado 'ö- -kɛ yɛ 'gü 'yö- -wɔn gun see- -naa bha, mɛ =gban -dho -yö gun -a kɛ siɛ. 'Yaa gun mɛ 'bha -zɛ 'gü kɛ siɛ. -A 'mɛ -nu 'ö 'waa -Zlan 'gü-a -nu 'dhö, -a 'mɔɔ- 'sɛɛbho -mɛ 'dhö, -a =geebɛ -dho -kɛ -mɛ -nu 'dhö -yö -gun -a -nu =gban -go -yɔɔ 'kwɛɛ- -mɛ -nu 'ka. =Ya kɛ -go -yɔɔ 'kwɛɛ- -mɛ -nu 'ka. =Ya kɛ "dhü kö -yö -gun mɛbhu -go -yɔɔ 'kwɛɛ- -mɛ -dede 'ka. 'Yaa gun mɛ -zɛ kɛ -go "kpungtaadhe -to "dhü -sü 'gü. -A -Zlan 'gü -mɛ -nu suu =gban -suu

"dhü kö -yö -gun mɛbhu -go -yɔɔ 'kwɛɛ- -mɛ -dede 'ka. 'Yaa gun mɛ -zɛ 'gü kɛ siɛ. Kwa dɛ -nu -wa -pö =dhe: << 'Wɔn -sɛ kɛ -mɛ 'yaa =dhɛng -Zlan -go. >> -A -gen -mü =dhe 'mɛ bha =dhe -a -wɔn 'ö =see, -a -wɛɛ bho -yi bha 'ka, mɛ -yö kɛ -go "kpungtaadhe -to "dhü -sü 'gü. -A -Zlan 'gü -mɛ -nu suu =gban 'dhö, "mɔɔ- 'sɛɛbho -mɛ -nu 'dhö ... -a -nu =gban -wo -gun "dheɛdhe 'bha 'ö 'Wlɔmö Katodhikö -nu -bha -Zlan -kwangdhö mü 'ö 'wo- -dhe mü 'Sɛn- Piɛɛdhö -bha -kɛ "dhü -

=gban -suu =gban 'dhö, "mɔɔ- 'sɛɛbho -mɛ -nu -gaɔ suu =gban 'dhü, -a =geebɛ -dho kɛ -mɛ -nu 'dhö... -a -nu =gban -wo -gun "dheɛdhe 'bha 'ö 'Wlɔmö Katodhikö -nu -bha -Zlan -kwangdhö mü 'ö 'wo- -dhe mü 'Sɛn- Piɛɛdhö -bha "dheɛdhe bha- 'gü. 'Mɛ 'ö 'wo gun 'mü -wo -ziö sü bha- 'gü, kö kwa -mɔɔ -a -bha 'ö 'kwa- pö =dhe -yö -gun mɛ -go "dhiü -mɛ -tiaandhe 'ka. -A zuɛga -yö -gun -sɛ -dedewo. "Sɛgo "dhiü -mɛ =ya kɛ "dhü, "sɛ -yö 'waanu.

Mɛ =sɔɔ -pɛ -nu -wɔn

Mɛ -de "badhubho -sü

-Kɔlookota do 'bha -yö kwaa- "Kɔdivua -sɛ ya- 'gü, 'ö 'wo- -dhe "kwi -wo 'gü (ANARIZ-CI). 'Wɔn 'ö -gban -mlü ta -wɔn -bha =nɛ 'ö ɔ "tüng -kɛ -a 'gü. -Kɔ 'ö dho kɛ- -bha kö -mlü 'ö mɛ -ya ta -yö =mɔɔ mɛ -bhö -pɛ waa- mɛ -go -wɔn -nu -dan "kwɛɛ -sü -bha, =nɛ 'ö ANARIZ-CI -bha yɛ 'ka. -A -kɛ "dhü -

sü bha- 'gü, -kwɛ 'dhe 'ö kwɛɛ ya, -kɔlookota "wɛɛ 'dhe -nu 'ö 'wo kɛ -a pö woo -mlü ta bha, 'yö ANARIZ bha 'ö -nu gba -mlü 'ö woo- ta, 'ö 'wo- suu -dhe NERICA bha, -a "kidhung "gblü =plɛ (2000) 'ka. =Ya kɛ "dhü kö 'tɔngdhö -kaɔng =plɛ (20) =nɛ 'ö bha. 'Wɔn bha -yö kɛ -kɛ "dhü 'pödhɛ 'ö -kɛ

TOUMODI 'ka, -a 'gü. -A kɛ 'ö ANARIZ -ya wo "dhü bha, -ya -kɛ "dhü kö kwa -dega -bha -mlü 'ö 'kwa dho- ta bha, -yö =mɔɔ kwa -ta kwa -go "sɛ ya- 'gü, kö -mlü 'dho -sü 'ö "sɛ "wɛɛ -nu 'gü bha, -a -nu fiɛɛ -yö kɛ. -A -gen =dhe -kwɛ 'ö -ziö ya, -mlü 'ö 'kwa kɛ- dho "sɛ "wɛɛ -nu 'gü, -a sɔng -yö kɛ -

mɔɔ miliaa kɛng do ɔ -kɔ do (110.000.000.000 cfa) -bha. -A -kɛ "dhü -sü bha 'yaa kwaa- "sɛ 'tɔ dhi -sü 'ka, "kɛɛ kö -mlü ta -dhe -tiaandhe -nu -wo kwa -go "sɛ 'gü. =Ya kɛ "dhü kö -yö -sɛ kö 'mɛ "dhü dodo 'ka -yö ɔ -de nu -mlü -ke kɛ -sü -dhe, kö kwa -de =sɔɔpɛ -yö =mɔɔ kwa -ta.

'Wɔn 'ö -gban -potaasü -wɔn -bha.

'Wɔn 'ö -gban =bedhega "vlaanvlaan -nu 'dho -sü -bha -kpinng "dhiü

=Bedhe -nu 'ö 'wo -kɛ Sinua =bedhe -nu 'ka bha, -a -nu "dhɔɔ do -sü zü 'dhö bho kwaa- "sɛ 'ö ya- 'gü, -a dhay- -kwɛ -kaɔngdo ɔ ga "saadhu -naa =nɛ. -Kwɛ 'dhö ziö siɛ 'dodo kö- -da 'gü =nɛ 'ö -da siɛ do 'ö dho- 'ka. -A -kɛ "dhü -sü bha- 'gü, do 'ö 'kwa- wo =dɛɛ, =bedhe -nu bha -a 'dhe -nu 'ö- -nu "dhɔɔ do "tüng -

nu =wa ziö, 'ö 'waa -tiaandhö 'zü bha, 'yö 'mɛ -nu 'ö 'pɛ -nu bha -a -nu "dhɔɔ do 'sɛɛdhe 'yaa- -nu -go bha, 'wo- -nu "dhɔɔ do siɛ -kpinng "dhiü -dhe -nu, 'kɔ "güngta -dhe -nu 'gü. =Dhoɔɔɔ -nu 'ö 'wo -kɛ =bedhe "dhɔɔ -do 'gü -kɔ -nu 'ö 'wo- -nu -dhe "kwi -wo 'gü faamasi, -a -nu dɛmɛ -nu 'ka, =wa

dhiang suu =gban -suu =gban zɛ "sɛ -go "dhiü -mɛ -nu -dhe kö =bedhe -nu bha -wo 'go " sɛ -bha, "kɛɛ -a "wɛɛ 'bha 'yii yɛn. "Kɛɛ kö 'pɛ -nu bha =nɛ 'ö 'wo -mɛ -nu zɛ siɛ =dɛɛ 'gbɛ. -A kɛ "dhü -sü bha- 'gü, -kwa kwa -de 'kun =bedhe -nu bha -a -nu -go, 'yii kɛ "dhü, kwa -dho kwa -de zɛ- "wɛɛwɛ.

'Wɔn 'ö -gban troo -nu -bha mɛ wɔnkɔ -nu 'gü

'Wɔn 'ö -gban -dhöökpö -zuö -wɔn -bha

-Dhekpacyi =plɛ ya- "piü troo 'ö -kɛ -dhöökpö -zuö -sü 'ka bha, -a 'bha -yö kɛ -kɛ kwa -go "sɛ 'ö ya 'gü. -A -gen -mü =dhe -dhöökpö -troo 'kpüi- -dede 'ö ya kɛ 'ö -zuö "sɛgo "pɛpɛ 'ö 'wo "kpungtaa, -a -nu =zinng 'gü, 'yö- 'bha yöö -zuö -kwɛ 'ö nu siɛ ya- 'ka (2006). -A -kɛ "dhü -sü bha- 'gü, "sanni "sɛgo -nu bha -wo 'dho "dhü, 'yö- -nu 'gü -ya =wɛɛ

=kö, kɛ "dhü kö 'mɛ 'ö =ya kɛ "gblü- kö -yö gun 'dho- -naa. -A -kɛ "dhü -sü bha- 'gü, "sɛgo -nu 'ö 'wo waa- 'Kɔdivua -nu =loo 'ko -ta kö -a -nu 'gü -yö =wɛɛ bha, 'yö -a "gblü- do 'bha 'dhö -kɛ Ezitö -sɛgo 'ka. Ezitö -sɛgo bha, 'yö -ya -sü 'ka kwaa- Metii "sɛ ya -a -go 'dhuü- =yɛn. -A 'gü -mɛ -nu -wo -dhöökpö -zuö -dedewo. "Kɛɛ kwa- -ma

=dhe -piö dhiü bho -piö -yö -dhö. -Aga 'yö 'mɛ -nu bha waa- kwaa- -dhöökpö -zuö -mɛ -nu 'ö 'wo- -nu 'tɔ -dhe Biö bha 'yö 'wo 'pɛ bha- -zuö "kwi -a "su (Avlilö) 'ö -ziö ya- 'gü, -a -dhekpacyi -kaɔngdo ɔ ga "siüsü -naa bha- 'ka. Kwü" -mɛ -nu kwaa- "yuu -mü ! kwaa- "yuu -mü ! Kwa kɛ 'mɛ -nu bha- -a -nu -go -kɛ 'bii- =plɛ 'ka 'gbaan- dhö. Ya 'go mü

kö "sɛgo do =nɛ =ya 'to. 'Yö -kɛ Kamödhunö -sɛ 'ka. 'Kwa -a -nu -go -zɛ kɛ kö -dhöökpö -zuö -troo 'kpüi- bha, kwa -dho 'dho- -a -zuö "Dhima "sɛ 'gü -kwɛ 'ö nu siɛ ya- 'ka. -A -gen -mü =dhe -dhe bha =nɛ 'ö 'wɔn bha 'ö dho kɛ -a -bha. =Ya kɛ "dhü "dhü kö -kwaa -dhe Atanna kö -yö nu kwa -dhe "tɛɛ 'ka.

"Yü -wɔn

Baa -kɔn -bhö -mɛ "gbu- =plɛ

"Yü -wɔn 'ö ya -yö -gban mɛ =plɛ 'ö baa -kɔn -dho 'ö gun -a -nu kɛ sië -dedewo, -a -nu -bha. Baa -kɔn -dho -yö mɛ 'gbɛ -kɛ, "kɛɛ mɛ =plɛ 'ö 'wo bha, 'bha yö -nu -bha, 'yii 'daɔnnu. -Aga, yi do 'ka, kö -a -naa baa -kɔn -wɔn "siü =ya ziö, 'yö -nu -bha =dhuutii -yö 'pömɛ -nu =gban -dhe 'yö -pö -nu -dhe: << Kwü" -mɛ -nu, mɛ "gbu- =plɛ woo kɛ -kɔ "su -kɔ 'ö- 'gü, mɛ do 'bha -yö -kɛ 'ö- -bha "gbudhe "dhiü -yö -ziö. -A -kɛ "dhü -sü bha- 'gü, 'mɛ 'ö "gbu- baa -bhö

-sü 'gü, kwa -dho -a -mɛ dɔ =dɛɛ -Yanngbe waa- =Keyang =zinng 'gü. >> =Dhe 'ö -kɛ "dhü 'yö =dhuutii 'dhö- pö ö bha dhebɛ -nu -dhe -wo 'dho =gbaukɔ 'gü -wo baa -kpa ö -kpa -kɔ -ta -dedewo "tuu "drɔɔ -drɔɔ -bha. -Wa 'gü -pɛ kɛ 'tɪ -wü 'ka. -A -dhe -yö -wɔ -zɪɛ dhö kö baa bha -ya ma, kö -wa nu- 'ka "dheɛdhö. 'ö gun kɛ sië "dhü bha kö "dheɛɛ =ya pa -titidhö mɛbhudhe 'ka =dhe dha -yö nu. -Kaa -ga 'yö =dhuutii -ya pö: << Yanngbe kaa- =keyang, 'mɛ

'ö- -bha baa kpö 'ö dho kɛ- 'kpii- kö -yö ziö 'ka ö "teado -bha -ta -yö 'to 'ka "dhü -yö yö- 'ka baa ya -a yɛn -sü -bha, kö yö =nɛ 'ö "gbu-. -A zü bho -sü =nɛ 'ö "gbu-, kö -Yanngbe =ya baa bha- =gban 'to "dhü -yaa -ya ö -kɔ -ta kö -yaa ziö "tuu 'ka, -ya -ya -a "mɛng -sü -bha; kö- "yanyi -yö =wɛnng sië. Kö- "yan =ya -wo 'gü -ziisü 'ka =ni. Kö mɛ =gban "wɪ sië: << -Yanngbe bhii ga =zɔɔ -wa ! Aa' -Yanngbe 'bhaa 'to -ee ! >> -Aga 'yö -Yanngbe 'ö baa bha- =mɛng.

'Wɔn bha -a bhlɔɔ yaa -ma =Keyang 'gü -sü bha, 'yö ö -kɔ -da "tɪ -gɔ 'kpikikpiki 'bha 'ö gun "tuu bha- =bha bha- 'gü, kö -yaa "mɛng "wɛ -zɔɔzɔɔndhö, kö 'yaa ö "sɔn -ziaan yö- 'gü. -A -dhe 'ö =dhuutii -ya yö 'yö ö -kɔ dɔ ö -gɔɔ "suü yaa ö -da -a 'gü bha -a -wɔn 'gü. 'Yö- pö =Keyang =nɛ 'ö "gbu-. Mɛ =gban -wo kɛ- -kun 'pö tean- 'ka =dhe =Keyang =nɛ 'ö "gbu-.

Yöö kɛ -kɔ "su -kɔ 'ö- 'gü, -piö "dhiü bho -piö -yö -kɛ.

"Ze Emanie

"Gwüŋ

<< 'Waa 'wɔn yaa "yɔɔ bho 'wɔn yaa 'ka. >> Kwa -mɔɔ -a -bha 'ö 'kwa 'wɔn -zɔn 'ka sü gɔndɛ 'nɛ 'ö- -bha 'nɛ 'dhö -pö "yi =bhaa 'ö- -dhiang 'dhö zɛ -sü 'ka 'sɛɛdhɛ -be 'nɛ 'ö -kɛ 'waa 'wɔn yaa "yuu bho 'wɔn yaa 'ka -a 'gü bha- -bha. 'Wɔn -zɔn 'ka -sɛ -dede =nɛ 'ö bha. -A 'sɛɛdhɛ -be 'nɛ bha -a "dhɔɔ -bha -yö "Ze Emanue -gɔ "Maadhö.

Ü këyɔɔ -ya 'wɔn yaa kɛ ü 'ka, 'bha 'dho- -gɔ "yɔɔ dɔ- -gɔ 'wɔn yaa 'ka. Ü -bha -yö kɛ 'wɔn -sɛ kɛ -sü 'ka -a -mɛ -dhe. -A -gɛn -mü =dhe 'wɔn -sɛ kɛ -mɛ 'yaa =dhe -Zlan -gɔ tongtongdhö. Kwa- -ma "dhü.

Pë -Wlangda -sü

'Sɛɛdhɛ -be 'nɛ -nu 'ö- -nu -yö "kpɛnngdhe 'yaa =gblɛɛn 'zü


'sɛɛdhɛ 'nɛ -nu 'ö 'wo "dhü bha wo -mü :
-Kɔ -mɔɔ 'wɔn -bha -sü -yö Yesu -gɔ kö -yö mɛ dha.
Yesu -bha mɛ -nu =klang- kɛ -wo -nu.

'sɛɛdhɛ 'ö -gban "gung -yua -bha -kpɔ mɛ 'ka -sü -bha.

=Ya kɛ "dhü kö -ka ka baa- sië kö 'ka 'wɛɛga 'nɛ 'bha -ya -ka -kɔ "sɔɔ kö -wa yö "kpɛnng yi 'ö- 'ka, 'ka 'to 'ka- -nu 'dhɔ.

=Ya 'go yö -zɛ -a 'gü, =klang -tiantiandhe -dede 'ö -gban 'mɛ 'ö ü zuɛ" 'dhö =gi -sü 'ka 'wɔn 'bha 'kosɔn, 'ö dho kɛ -kɔ 'ö- -bha kö -yö 'go ü zuɛ" "piü, -a =klang bha -a do -yö -dho kɛ- 'Dannɛngdhö "kwi -bha "su 'ö -kɛ Août 'ka, -a 'gü. -A zü -yö -dho bho- -a -dhekpacyi -Blɛsü 'ka, 'yö- "dhiü 'dhö ta -a "sɔɔdo -naa 'ka. -A =plɛ -naa -yö -dho kɛ- "Zuan Wɛn "su 'dhe 'ö -kɛ Juillet 'ka bha, 'ö sü -a -dhekpacyi -kaɔng =plɛ ö ga "sɔɔdhu (25) -bha 'ö yö- 'ka -a -kaɔng -yaaga (30) -bha. "Kɛɛ -kaa 'gü ma -sɛ 'ka; Mɛ "pɛpɛ 'ö kaa- nu =klang- =plɛ bha, -a -nu -ta bha, -ka -dhekpacyi do 'to "dhiü kö 'ka nu.

Pë "bin 'ö ya -a -ga -sê 'ka kö ziaan 'ö dho -Pamɛbhame =plöö 'ü- -zɔn



‘Ka ka bo ‘sëedhe ya- -wo pö -sü ‘ka, ‘wɔn ‘bha =ya kë ka -gɔ kö ‘ka pö yi -dhe, -ka ‘sëedhe kë kö ‘ka bɔ.
Yii- ‘dresü -mü 08 BP 857 Abidjan 08 ‘ka. Tel. 22.43.12.72.

‘Mɛ -nu ‘ö ‘wo ‘sëedhe ‘ö ya- -kë, wo -mü =Sai Zoziasü , "Dhɔɔgbö Zafe, =Kesɪ Mɔyan Dhifɔngsü, Valangten Vidrinö
waa- Edhena Pɛdhekwalösökaya ‘ö- -nu =gban =plɛ ‘wo go Dhusi ‘ö -da “Anɛsü ‘ö go ‘Suisü , -a -nu ‘ka.